

928
ハ
19

曝書亭集附

笛漁小菜

一九





秀水朱供奉竹垞先生以文章名海內垂四十年今其令子
文盞復以才稱京師呼爲小朱十夫弓治之子學爲箕裘司
馬氏之史劉氏之經術杜氏之詩蘇氏之文章各有淵源文
盞之才如此其得力于家學者良有自耳然吾聞供奉生而
好游游必數千里或万里經年始歸歸輒復往老謝一官即
窮愁著書無室家兒女之戀其於庭訓之日宜無多文盞嗜
書性成睥睨流俗踔躒古今幾幾於父子之間各欲成其不
朽夫醴泉無源芝草無根已足爲天下之寶況其名父之子
邪且供奉亦難乎爲繼矣方其攜書載酒南窮海陬北極關
塞凡齊楚燕趙甌閩間所過却掃學士大夫惟恐朱先生不
一至碑版屏幃照耀四裔下至旗亭酒肆兒童婦女無不邀
片詞隻字以爲榮及其入承明

賜宅禁垣備朝夕顧問文人之出處孰有如供奉者乃文盞能為極盛之繼其游蹟所歷翰墨風流紀載成困並追蹤接武由此登館閣司文章將見

九重動色而歎蘇瓌有子供奉此時或當展然一笑不以予言為鄙陽之謔也予於朱氏兩世交寡篤絕艷其父子作述之盛因文盞出近詩問序輒從而誇歎之至文盞之詩上窺韓杜下汲蘇黃推陳出新瑰奇光怪識者自知之予烏容致喙且天下讀供奉之詩久矣其亦當辨氣而三歎也與華亭高層雲菴村序

秀水朱檢討竹垞先生有才子曰昆田字文盞天下之得交於先生者鮮有不無交文盞者也文盞之才清雄絕麗得之胎性而先生於書無所不窺其奧博非特今世人所罕及文盞趨庭之暇略能盡通其家學以其餘技發而為詩其小得固已精緻雋潔大者磊落排畧世之讀之者不以為入玉谿樊川之室則以為登昌黎眉山之堂矣獨怪今世才人橫飛捷出充塞皇路而文盞年未五十竟以窮死豈天之生若人豐其才而塞其遇邪抑先生之泊然寧靜不欲以世人之所榮者榮其子邪獨其所成就如此無忝其家為可傳也矣先生有文類及騰笑集行于世膾炙人口續集之成復甚夥而文盞自名其所著曰笛漁小橐先生將彙而刻之附其集以行而屬序於予予惟東坡先生嘗言在海外時其子過時出

一篇見娛則為數日喜寢食有味以此知文章如金玉珠貝
未易鄙棄東坡之稱其子如此必非徒然者而今世叔黨斜
川集罕傳文人學士往往以為恨文盜既能以其金玉珠貝
之文娛先生于生前歿而得附先生之集以行于無窮吾知
後世必將比之蘇公父子而無復遺憾者其在笛漁小橐之
刻也夫嘉定張雲章

笛漁小橐目錄

第一卷 古今詩五十首

西湖

登康山

劉撫軍席上咏珍珠泉二首

西厓歸自桂林訪予長水不值而去三首

寄魯松江

次韻答蘅圃

孤山拜林和靖墓

寓昭招同西厓泛舟湖上得

六絕句

抵舍三首

過演溪書屋

有感

南渚至自清溪出示黑蝶齋近詞和演溪老人韻

南渚歸清溪久不至以詩招之

夏日村居二首

初秋風雨兼旬南渚再過艸

堂賦此志喜
得蠶字

小齋聽雨同南渚遠士分賦

次演溪老人韻送南渚之白

九月七日同遠士飲菘塍齋

題查客羅帶譜

贈錢武子先生

宿橫塘

次韻答耕客蘅圃

題蘅圃西湖雨泛圖三首

次耕客韻即送入都 再疊前韻送蘅圃入都

三疊前韻與蘅圃追話舊游

題蘅圃擔花圖二首 題耕客行脚圖二首 并序

梁溪華胥為蘅圃寫僧裝小影侍以雙女一拈花一

奉梵書取心經色空二語曰雙是戲題絕句

遠士以玉狸見餉戲作長句

喜晤平齋菊隱樗菴三先生即席分賦一首

過姊妹橋

清溪訪南渚

用王臨川贈曾南豐韻寄蘅圃

送樊谿之泰安

第二卷 古今詩四十七首

得耕客都下書云首夏歸桃鄉喜而賦此

出門示遠士

過白蓮寺

萬安橋候潮

魯松江餉鮆魚

競渡歌

題荷包牡丹

題查客画扇二首

飲心在齋分得花字

蘅圃寄竹根杯

落帆亭

和遠士無題六首

題聲山仗劍圖

京口阻風

露筋祠

寶應

題東川先生讀書秋樹根圖

題明妃出塞圖

送客子歸平湖

和題硯溪紅豆書齋五首

珍珠泉

張上舍盛誇亳州牡丹遠過

洛下因賦十絕以紀且訂探花之約焉

晚步泉上

次止淵病起二首

夜夢

咏史二首

第三卷 古今詩三十首

元日立春和逋客 又和止淵八首

送王秀才之明州三首

送廣文韓生之官符離四首

官園種菜呈丹徒公 首春同逋客止淵陪丹徒公

晚坐珍珠泉上二首

食鯉魚

喜小舫初成和丹徒公二首

嘉禾篇

對菊

次夕復携酒對菊疊前韻

食鮮鰻魚

喜雪呈丹徒公

止淵逋客既和拙詩越日風雪復作止淵又賦二百

字索和蓋欲以強韻相壓也炙硯呵凍復成是作

食鱒魚和止淵韻

泉上書懷和丹徒公韻

第四卷 古今詩四十四首

杏花用昌黎韻 疊前韻

丹徒公於漣源堂後穿池種荷賦詩四章敬次原韻

春日珍珠泉雜興五首

海棠半開小雨初過釀飲花下醉賦二十韻

九日對菊和丹徒公 和止淵餅菊

樓桑謁劉先主廟二十韻

爲樗菴題水村圖二首

和宋牧仲先生西陂雜咏六首

淶波村

釣家

和松軒

緯蕭艸堂

芟梁

放鴨亭

我所思三章送虹亭先生歸吳江

田綸霞先生許惠羅酒久之不至以詩索之

無功招集一峰草堂學香山體

次樞菴韻壽菊隱徵君

題禹尚基並頭茉莉扇二首

客子入都出扇索書率賦二絕

張大司寇生日

送呂仲之山右二首

送吳上舍歸鹽官

雨稼止酒經年冬夜過余以

詩勸之

雨稼飲二十杯而腹痛竟夕

委頓復欲止酒再以詩勸之

德尹表叔偕端木過宿古藤書屋次韻奉答二首

題客子苗莊圖二首

題夏重表叔抱膝圖

第五卷

古今詩七十一首

食嘉魚和澗芳

悼秦吉了

過墻梅花

寄南渚即和南渚送畊客韻

二首

寄魯謙菴太守

寄松塋次衡園韻二首
九言戲為鷗塘壽

題陳書崖納涼圖

索禹尚基画月波吹笛圖三

首

題查田蘆塘放鴨圖二首

題田樂種紙圖

題周燕客別駕所藏画卷

紅花埠遇雨題壁

傷柳

別田綸霞先生

題林先生聽鶯圖

自題月波吹笛圖二首

勸農詩為陸江陰作 春申墓

題女郎周禧荷包牡丹扇頭三首

登君山二首

題雙鬢索句圖三首

題篋舞舉春郊醉社圖

題萃橋水榭圖

題聖花園

北發

丹徒

渡江

閩門

菽乳和楊芝田先生

送柯翰周之蕪湖四首

金山口

過合肥欲訪龔怒愚為同行

者所阻悵然賦此二首

拙宜園補題三首為楊崇木賦

苔運

巢經樓

竹漾

贈王浦雲二首

題烟江撒網圖

題蘭亭被楔圖

初夏村居

即事

南湖

示德鉉弟二首

夏日村居戲作吳中田婦詩十首

第六卷 古今詩六十七首

途中和答張闇成六首

題清溝朴上人小影三首

題蔡中允早朝圖二首

題梅定九山居圖 戲題嫦娥折桂圖

送蔣上舍歸里二首 與庾齋話別用無亢韻二首

送幼鯤游嵩山四首

和王清遠西城別墅詩十三首

石帆亭 樵唱軒

半偈閣 大春軒

雙松書塢 小華子岡

小善卷洞 春艸池

三峰 齋臺

石丈 竹迳

綠蘿書屋 為新城夫子題画

送悔人兄還楚 壽黃封公六首

三月十五夜濟南道中遇雪同澗芳賦

鍾聖輿招諸同人泛舟大明湖八首

過臨淮 贈宋山言三首

上九江郡守叔 梅心驛書所見

同心蘭花 初食新州荔支色香味已變

戲成二律 再食新州荔支色香味無損

疊前韻二首 初食新州荔支以色香味已

變湯寓憾詞夜來重噉風韻劇佳已疊前韻二首
再賦一律為十八娘解嘲

七夕

七夕後一日

雛鸚鵡

諸葛武侯銅鼓歌為家中丞

賦

第七卷 古今詩五十三首

題秋原放牛卷二首 七月十四夜立秋二首

題天女散花圖 題水墨羅漢卷

題四時寫生折枝圖四首

閏七夕 佛手柑

五色鸚鵡三首 嶺南述懷寄澗芳四十韻

汲古堂前紅梅秋日吐花和青叔韻

滄浪亭看桂

狸奴歎

中秋前一日飲東園桂花樹下即事

蘅圃車駕視榷粵海久之不至昨聞已抵三水喜賦

二律 寄宋山言

題洋画二絕句 中秋東園宴集分韻得弓字

又得河字 英石硯山歌

對雨遣懷和韻二首 晚秋雜感四首

六言絕句十六首送青叔北歸

讀青叔北歸集戲書一絕

魚梁晚望 經嚴陵釣臺下作

第八卷 古今詩五十八首

赤烏松二十韻同張超然龔蘅圃高查客聯句

送查浦入都

送海鹽李明府入觀

題寫山樓主人墨梅二首

題喬無功餉烏圖 題汪無亢松陰濯足圖二首

題汪無已秋林讀書圖二首

題沈厚餘侍兒索句圖

題郎與賢多麗圖五首

贈嚴星如

贈顧渭符四首

閏月朔日偶成

海棠歎五首 并序

寄張鶴洲先生六首 題楓江漁父圖二首

題汪樸畫

題雪中山茶畫扇

萊襦叔席上觀樂同禹平卓崙賦五首

偕水村育齋南歸初出齊州途次口占

張夏

陷灣泉

過任城

題趙子固水仙

贈眼醫方叟

為水村題采桑美人三首

采桑女

調育齋二首

午日過夏鎮聯句

夜發新開河聯句二首

瓜步阻風聯句

丹陽觀競渡聯句

第九卷 古今詩三十九首

抵舍

六月張燈口号二首

送水村育齋偕游滇南四首

題列子御風圖

秋日訪王東巖明府適弄珠

樓落成因賦二首

題紀山秋林抱琴圖二首

題客子吳船醉吟圖二首

為紀山題南渚画

當湖李潛夫馬和衷兩孝廉

各抱高節邑人請祀鄉校沈客子首倡兩組詩邀

和因次其韻

送元上人游廬山

題金聖歎詩牋

題鑒微上人折枝蔬果

京口阻風二首

同十八弟登金山

天門

登石鐘山

舟中不寐聞孤鴈哀鳴有感而作

馬當山阻風

補田婦詞二首

為笑亭題黃葉老人詩卷

題賈黃州百石園四十韻

楫堂索題秋林聽泉圖即以四字為韻各賦五言古

詩十六句

題竹林書屋冊

題碧川竹塢攤書圖 鄰大

怪鴉

第十卷 古今詩三十六首

以武夷茶餉德園穗園以葛粉見答因賦長句

送補山赴楚幕

碧川以芥茶見貽走筆賦謝

盆蘭忽放同心並蒂二花各賦一律

余詠蘭二律同人和者甚衆聚緱謂與奇茗寫照以

不用仙姝美女草木禽魚蟲豸相比者為高因再

各賦一律

題三緘齋

三詠同心蘭

並帶蘭

醜舫老梧為大風所摧枝葉零落感而賦此

穗園以白石榴花索詩戲賦一律

病後自遣用水村韻 題画二首

寄調潛竹納姬三首 小池水深荷花至秋始盛賦

此志感 寄樊沅

自適 閉門和碧川韻

碧川疊前韻見贈走筆奉答

水村近詩手筆高妙願猶深賞拙作此則歎菱之嗜

也病後無聊撫今追昔感慨以之因成五言古詩

三十韻題倚晴閣新稿之後

小園散步 晉民碧川過訪留飲小齋晉

民有詩紀事即次原韻

疊前韻索碧川和 秋日偶成

立春日病體少蘇偶賦二律

芙蓉以巨鯽二尾見贈口占奉謝

羅浮蝴蝶歌 晉民見和羅浮蝴蝶長歌一

篇遠勝拙作因取前詩未盡之意再成一歌

題雪夜問酒圖 題陸平仲小照二首

笛漁小彙目錄畢

男 桂孫同校

孫男 振祖覆校

簞漁小臺卷第一

西湖

秀水 朱昆田 西峻

水仙祠宇沒平蕪寶所山圍異給孤白塔亂堆歌舞地青山
舊繞帝王都好風昨日又今日新漲外湖連裏湖安得六橋
重插柳飛花徧撲酒家壚

登康山

五三六點社公雨二十四橋商女樓我上康山高處望鮒魚
網已發瓜洲

劉撫軍席上咏珍珠泉二首

石家銑谷三斛漢苑金莖一盤可惜廉泉明瑟主人不愛珠

官

東西牆出復入大小波渟忽跳落花不知幾曲漂過明湖七橋

西厓歸自桂林訪子長水不值而去三首

詩人磨蠍是身宮到處相隨有五窮万里歸尋雞黍約片帆
真似馬牛風蠻煙瘴雨今無恙竹屋秧田恨未逢忽憶去年
當此際吟情恰在兩湖中

手持秋卷哭黃埃君走浯溪我却回悵別忽驚雙歲換傷心
不見尺書來斷無巨手為推轂獨有長鬚解愛才

西厓有老奴曰勤豐負蕭穎士

之僕也舟過三湘沉楚稷定知弔屈有餘哀

千金散盡烏裘敝一榻橫眠白日長我輩未能齊得罍俗人
求備到文章平生碌碌輕餘子歲月堂堂歎幾將二頃若謀
田負郭不教作賦擬前揚

寄魯松

江村長日臥三椽生事蕭然絕可憐歲熟仍書求米帖市喧
因想買山錢尋花借馬吟情健留客聽泉地主賢準擬中秋
月圓候顯魚筐蟹醉深筵

次韻荅蘅圃

遠夢漁竿投柘步石城三槩打春暮一笑欣辭沒馬塵歸向
煙波伴鷗鷺長腰江米炊紅蓮大袖田衫裁白布易野直追
羲炎民酸寒戲學島可句有時下帖招溪朋細君除釵付酒
庫弄水競采芙蓉花結巢同醉海棠樹大戶分曹鬪酒兵小
蠻隨地攜果具分湖圓泖恣還往細雨斜風何足懼馬檝紫
蟹壯可釣桃莊黃雀肥堪捕上鄉水田足收割準擬開筵落
場圃仙郎吟履何時歸好傍梅花溪上駐結鄰莫忘往時約

避俗要當如脫兔我行到處有杜鵑夢魂不踏天涯路

孤山拜林和靖墓

鶴語聲塵隔嶺村孤亭寂寂倚雲根一坏荒土埋詩骨幾樹
野梅開墓門剩水殘山悲往事暗香疎影欲銷魂斜陽回望
皆陳迹試覓漁樵與細論

寓昭招同西厓泛舟湖上得六絕句

湖雲湖雨移單櫂愁水愁風換夾衣除却顛狂二三子誰將
眠具出城扉

茶籃酒榼攜菱角漁弟樵兄唱竹枝始悔紅塵長插脚十年

纔得一軒名

菱角香山童名

擘絮雲遮紅杏寺帶絲禽泊紫菱灣好景眼前誰画得徐熙

花鳥郭熙山

山光水色尋常好看到月明景愈奇瑪瑙坡前波浪闊水精

丸湧碧琉璃

數錢不用瀝春灰脫殼鵝兒瀉臘醅犯卯未醒人正勸楊梅

如雪隔江來

白楊梅產蕭然山

月明風熟符簷路飯細魚香菡萏天一片煙波拋不得牽船

日日住湖邊

抵舍三首

倦客歸三徑長貧薦七蔬但令巾有酒寧歎食無魚夢斷邯
鄲枕閒乘轂棘車故鄉風日好揮手謝嚴徐

瀟瀟圍溪面柴門縛樹身重招逃酒戶小醉落花晨倦以石
為枕狂憑草作茵我生百無用甘作太平民

似鳥初辭筴如駒乍脫銜謀生無上策託命只長鑱穀賤糧

仍絕愁多酒未絨蕭然在鄉井終勝駕車帆

過演溪書屋

棊閣經牕倚亂坡春風隨意發高歌舍前舍後梅花放閒往
閒來酒伴多古樣寬衫裁白罽新方小釀瀉紅螺日長無事
須尋句第一先防熱客過

有感

深紅落盡只長吁十載相期計本迂咫尺花源迷徑路年時
桃戶記根株溪邊枉結千絲網袖裏難尋一串珠幽恨欲消
消不得擬將心事付圓蒲

南亭至自清溪出示黑蝶齋近詞和演溪老人韻

庚申接月客京師長記挑燈夜雨時感舊最工長短句倦游
還著苦辛詞藍衫席帽愁邊老鈿合金釵夢裏遺莫怪相看

倍惆悵年來儂亦增成絲

南亭歸清溪久不至以詩招之

一艇清溪擁亂葦早將聲利付東流夢魂久矣名山約貧病
兼之好事魔小屐幾時陪謝客嬌兒終歲倚鄒婆見香山詩洗車
雨過秋身健埽漑軒牕待爾過

夏日村居二首

小溪新漲水泮泮竹傘芒屨自在行滿意插秧三寸雨連村
煮繭十分晴郊童近喜無仇餉沮叟新來約耦耕早謝軟紅
塵沒馬嬾將心力事浮名

隻雞斗酒話新桑得馬亡羊絕較量衰病何堪徒杖走夢魂
不羨甲科郎文章報國談何易貧賤驕人計本良坐哭行歌
君莫怪世間原有接輿狂

初秋風雨兼旬南渚再過草堂賦此志喜

往來盡放形骸外爾我原非勢利交
把槩細揮淺葉路持杯
同醉海棠巢巢荒涼病榻千頭種
跌宕新詞十手抄籬角泥深
無客過愛聽風雨響檐梢

小齋聽雨同南渚遠士分賦得蠶字

悲秋時節雨方酣自覺年來百未堪
病久頭垂如中酒愁多
心嬾似眠蠶滴殘千里初回夢
點破三生靜裏參枕上魚絲
看已熟臨溪待結小圓菴

次演溪老人韻送南渚之白下

片帆又指莫愁村風物江鄉試一論
紫鰕飛絲堪下箸黃甘
落爪欲開園別多作惡須清聖病
不禁秋是太元巽神字太元見內景經窈
冥湖邊三畝宅籬根分井付空言

九月七日同遠士飲松勝齋

定酒招強戶意難破小齋因為豪士飲
笑脫隱居釵冒雨移
亭蕩尋山貯蠟屐故鄉重筍近吹帽
好相借

題查客器裙譜

紅絲小硯試煙丸鈿鏡朝朝對
伯鸞解道羅帶新譜好曹家
碑背記曾看

贈錢武子先生

先生七十鬢蒼然合在人間作地仙
留客每沽深巷酒分題
時聳夜寒肩苦壑江外傳新法子
蟹棹中疊小錢老去飛揚
尚如許何須更讀古苔篇

宿橫塘

淒斷更樓末尾聲烏篷七尺太愁生
橫塘一夜風吹雨鄉夢

如何作去聲得成

次韻荅耕客蘅圃

歲歲江南一解裝酒徒迎客小山旁病來猶倒三升榼醉後
同眠六尺牀菜幾時分瘦地又魚只合老寬鄉夜涼西北
頻牽夢苦憶庭闈鬢欲霜

題蘅圃西湖雨汎圖三首

自炊菽米煮香菰船尾長攜酒一壺此樂吳儂頻入夢算來
真箇負西湖

梨花邨口雨悄悄裊裊魚絲一半沉記取他年支竹傘寶雲
橫處約相尋

花南水北結湖莊雨過風吹蕩葉香冷境自來歸客少桃漿
誰真水仙王

次耕客韻即送入都

三季君最省連年走東西歸囊薄似葉一手能握攜社日哭
慈母丁年悼賢妻數椽初卜宅信宿辭花谿江城住未久又
蹋渾河堤帽帶風獵獵裘袂霜淒淒冷人趁熱官何異稻作
壑大笑蒙莊子物我安能齊車亦具雙輪馬亦卓四蹄獨有
落魄人周行多窮迷曉驛三十二膈膊荒山雞棗林覓草店
北酒開餅泥旅枕歸夢濃定憶桃鄉犁卦爻畫平田碁局布
方畦撥穀出苦口村尾朝朝啼吳農良可樂何必登金閨為
想耦耕暇杵松代揮犀枯荷裹紅飯老節搜青藜南歸計若
遂尺紙先緘題

再疊前韻送蘅圃入都

貧別真可哀月魄沉天西酸薄酒一杯臨行教重攜索去計

亦得傭春對梁妻所以連夕夢夢必尋清谿歸興不可遏如
決河之堤君車又將駕風鐸聲滄淒急雪打吟袖凍手按橙
壟勞舟發秦淮倦馬嘶青齊肩經長安游祝歲操豚蹠回思
紅蕩莊一逞荒煙迷春水浴花鴨秋燈鳴莎雞此景絕可愛
芒屨衝吳泥勸買春耕健搶雨同扶犁早種韭幾稜晚收芋
半畦不如歸去好飽聽林鶉啼花機響迴織軋軋停深閨祭
然發一笑笑齒明如犀人生行樂耳安用宵然藜唯當檢蕊
書一一為籤題

三疊前韻與蘅圃追話舊游

歲月如奔流一去不復西歎息十年內親串長分攜平生万
里游入不謀諸妻結交得龔五登涉窮山谿兩客舊燕館三
過前隋堤酸寒帽擲耳哦詩聲淒淒求名等說餅欲速空吹

齋嘈嘈雜竿雪拖屐徒于齊去來埃風中不惜羸馬蹉白日
似夜行往往要路迷襌褌拳足噉啖啞斷尾雞春晚歸故園
竹篙插蓮泥耦耕約沮史同扶牛後犁夏稅望麥隴秋租登
稻畦百指得一飽滿屋無飢啼搗來次畿曲訪道尋石閨薇
省十日留痛飲黃支犀歸人捷于鳥土飯仍羹藜寄爾村居
圖一作驚蛇題

題蘅圃檐花圖二首

花檐春來慣款門尚留小墖護香根沉吟欲傍妝樓種絕勝
歐家插画盆

翦翦鮮風坼小苞捉團蝴蝶趁花梢山居要術如尋得種樹
方應手自抄

題耕客行脚圖二首

并序

碧雞狂道士謂耕客是前世廬山種菜僧也耕客遂發願于
十年之後重尋匡俗屬画史寫行脚圖篆癸酉二字于瓢以
志入山之期焉

卯君顛顛坐詩飢

耕客小字卯君

笑著三生片佛衣燒硯舊曾煩画史

打包又欲問禪扉

蚪枝六尺挂楠榴夢裏名山恣意游遲我十年婚嫁畢去尋

廬嶽舊園頭

梁谿華胥爲蘅圃寫僧裝小影侍以雙女一拈花一

奉梵書取心經色空二語曰雙是戲題絕句

一雙天女玉羞肩卑鉢羅花貝葉篇若使香門盡如此丁年
儂亦頭逃禪

遠士以玉狸見餉戲作長句

腐儒齒牙習藜藿又與梁肉成疎索三旬九食歎不飽漸看
骨瘦頭圍削朝來食指動不已日午中庭啅乾鵲蔡子初自
吳興來餉以玉狸涎已落老饕不暇計利害急命孺奴洗鑊
杓細君搖手戒勿食驕兒挽鬚苦相攫若包麪裹加糝蒸絕
勝羊羔灌杏酪約升香飯炊吳杭夜關飽送如填壑幾年夢
想苔中遊至今未果扁舟約此行何難故踟躕食言屢矣寧
無作青鞵布韞及早春與君同試游山脚

喜晤辛齋菊隱樗菴三先生即席分賦二首

迎寒尋舊雨入夜話鄉關掃榻竟須住抽帆未許還細傾官
字盞暫解旅人顏輸爾吟情健清才不可攀
土炕添蕪火寒廳對雪天墨場甘袖手酒戶敢羞肩歲暮嗟
爲客家貧怯換年蟬連今夕語早見蠟花偏

過姊妹橋

十二樓空徧野苗女郎花發鬪嬌嬈舞衫歌扇銷磨盡孤負
風流姊妹橋

清溪訪南渚

花深疑是避秦村映竹臨溪見笑痕破屋數間堪送老晴山
九點正當門秫田未買中無酒菜圃初治芥有孫歸去南湖
欣共載船頭落月已如盆

用王臨川贈曾南豐韻寄衡圃

我交天下士龔子信奇最下視九州人聳身若登太萬里歎
絕迹孤標出埃壘才大猶江湖細不擇畎澮辭吐春空雲態
度何杳靄便便十圍腹貯書如填膾高言盡新獲一一不可
汰嗟子十年來隨風任漂沛結想山水間抽身塵土外此願

久未果何異足受飮乞食走四方山資向誰丐我狀劇可憐
我意疇肯會抱玉鬻諸市作合苦無僧寅年到于今行人歲
致禴唐風歎無衣杜陵歌有妹所幸同學中如子足倚賴歲
時勤問遺菽帛雜金貝勸子學從軍勉力荷戈役儻能立少
功聖澤自汪濊焉知鍛翮鳥乘風已難翩逝同麋鹿游長林
憩蕭蕭去來紅塵中寧能免狼狽生事殊悠悠天道亦昧昧
長袖困短舞到處均無奈齊門遂吹竽越人竟滯滯俯仰逐
時好口腹爲心害蹭蹬名場中否極不逢泰覽子述懷作恍
若聞清籟夜牕百迴讀燭盡復燃檜譬之飲露蟬迎風歆靈
蛻我詩非大手自顧誠微蕞急思從子游舊學鉏荒艾去日
一以多來日眞足愒緬子北征時雨雪正滂霈干掖縫狐裘
衝寒蕩行軼煙霧埋江山瞻望眼迷眸回思武林春南北峰

蒼藹吟身在輦轂歸志託渦瀨屈指上巳前定當返征旆湖
魚墜釣肥最好郎官膾酒軍遇詩敵彼此相磨蓋時時出銳
師賴有沈與蔡謂沈南渚蔡邾誠小國耳淺陋比曹鄴幸毋強
凌弱請以小事大執爰効前驅亦或挫利銳而子居中堅援
桴惟視槍策勲詩早成清風響杉檜與其飽憂患何如具鹿
糲湖山放浪行永日弛巾帶雅集繼西園粉墨可圖繪

送樊谿之泰安

酌君以蓮花之酒贈君以竹節之鞭春陰漠漠泥路滑傷心
早是迎梅天嗟子十載履行役征衫著破芒屨穿長風驅沙
騎北馬高浪駕屋乘南船往來萬里飽憂患白髮久矣抽蒼
顛歸家一載謝人事竹牀蒲褥長高眠鄉里小兒肆嘲笑俗
人與我原無緣惟君日日肯過從紅藤杖挂青銅錢認旗沽

酒藉草飲脫略禮法無拘牽屈指曾無三日別坐必接席行
差肩忽聞束裝走齊野雙淚迸落如春泉上巳後清明前風
吹雨打花信歇南浦送君真可憐檣竿已插帆已挂相看無
語心茫然菖蒲酒熟江榴發待爾同開解糗筵

笛漁小橐卷第一

笛漁小彙卷第一

秀水 朱昆田 西峻

得畊客都下書云首夏歸桃鄉喜而賦此

去歲送君桃葉渡紛紛雨雪江城暮今歲憶君梅花谿落紅
如雨成春泥一春飽聽雞頭鶻為怕愁多睡連月陌上開殘
似面花水邊不見湔裙鞵桃鄉寂寂無人烟古水百折流涓
涓吳牛兩具犁兩架結鄰並蓋茆三椽萬里知君遊已倦逃
名舊日曾燒硯試思紅塵插汗脚何如白水下釣線朝來門
外傳素書發函伸紙心顏舒書言南歸計已決春尾定得栖
林廬牛車曉出青門道拄杖無邊堪寄傲不將澹面對公卿
只辦清樽共傾倒春山筍蕨如蜜甜朱藤百尺繅花黏人間
富貴何足數吟興從教日日添

出門示遠士

年來乞食走連連一飽何由謝俗纏懷刺復游鎗脚郡載書
止借楸頭船半家寒骨愁無賴幾緲芒屨著屢穿安得與君
尋舊約租牛同種土鄉田

過白蓮寺

梓樹花開講寺門琉璃照殿晝昏昏牆邊古佛存泥骨壁上
番書滅漏痕入社詩篇同隔世故人墓木走長根淒涼舊事
憑誰說翦紙難招散客魂

亡友沈武功讀書
寺中今十五年矣

萬安橋候潮

華亭昔載秀州版相依有若齒與脣一從行省畫江浙民分
壤錯猶爲鄰我來破荒始辛酉於今三度浮輕輪萬安橋邊
水似箭憂心繹繹蠶抽綸船頭拽筴尾捩舵撐柱復用雙篙

人奔流不受兩岸束其勢桀驚來無垠客舟到此每小泊偃
杠且復留逡巡自潮始生候潮落日影過午還加申十五年
來走万里不測屢涉魚龍津沙頭長跼謝河伯荻夾再拜祠
江神前年高郵湖水決堤口百道如鎔銀舟師歌笑一不戒
幾與川后爲編民當其痛定乃知痛垂堂之訓非無因所願
衣食得麤足三椽一席寧棲貧尋常不出數里外牛背穩臥
行何制未須切切愁行路長作江鄉自在身

魯松江餉鮓魚

楊花落後到江鄉脫網鮓魚白似霜馬上裹冰初入貢雨中
穿柳忽分將行廚亦解和鱗煮緩帶先拚恣意嘗太守新來
招一戶官齋直欲醉千場

競渡歌

白龍潭圓如鏡年年五月龍舟競市上紛紛走少年未到五月先斂錢今年龍舟更加樣擔酒推牛集丁壯競兒醉飽笑秦龍一乘潮能趁漲五月五日天氣晴空城倒巷奔吳僮人頭戢戢如束筍人聲隱隱如飛蚊或聚如鬪蟻或散如驚麀朱樓臨水簾半開紅牕小舫連翩來盤雲髻滑金釵溜窄袖衫輕白苧裁琥珀光傾大小笈定州瓷盤出水鯁命縷新纏五色絲香蘆小裹九子糗醉眼爭看日端午春雷填填聞打鼓龍頭卷晴波龍尾攪素浪吳綾翦作旗蜀錦裁為障競兒把槳各竦聽疾徐恰與鼓聲應鼓聲徐輕揮緩棹閒以舒鼓聲疾長招幹波無一失忽然趁勢眠水中似欲入水尋龍宮四圍觀者盡失色蹶然而起何其雄亦有好事者買鴨投龍潭鴨頭乍沒水羣龍爭來擣標竿一丈船心矗直上竿頭

齊詫速斜懸倒挂比猿猱橫身更以竿摩腹復有快船紛如麻名爲護龍森矛又茸城俠少好身手各逞長技交相誇須臾日落龍舟卸細柳纏頭口瘡痂舟沉野港人始散我聞此俗尤堪詫此俗江湖傳已舊淫風最是吳人狃枯槁忠臣不可招婆婆少女安能救今春連月雨不收大小麥子皆無秋急宜插秧向田頭何為輟耒事嬉游當年元江陵作詩諷競舟岳陽刺史賢百舟一不留我作此詩非夸稱亦欲竊比元江陵

題荷包牡丹

小包輕縷感紅羅一一絨愁貯恨多籬落自憐顏色好人間姚左待如何

題槎客畫扇二首

滿槽春水漲蒲萄浪闊波肥駕小舸記得天門山下路江魚
如雪鱸蘆刀

歸向漁村作釣徒湖田幾稜足支吾黏天高浪魂猶悸愁見
江南萬里圖

飲心在齋分得花字

每嗟相見似團沙卯飲渾忘到日斜未肯逢人輸酒戶不愁

受病在脾家倚聲欲和短長句

陳子允文出社
丹花詞甚工

乞畫定須凹凸花

張僧繇畫花遠視作凹凸狀近
看却平曹子十經頗得是訣

西郭還扶殘醉去迎神隊裏逐鈿車

蘅圃寄竹根杯

朱生飲家稱小戶終日多不過三蕉性雖不飲喜人飲愁壘
每借生春澆傾家一釀一百斛觥船斗醖羅深宵酒徒醉眠
若魚貫快意寧願家人枵今年一貧不可奈種種已為官租

銷官哥汝定不可得無錢更買宣皇黛景德新瓷價亦貴鬪
雞舊樣仍輕描梅瘤杉癭但臃腫柳瓢楷節非堅牢吾鄉匏
卮最晚出五峰死後魂難招每因酒事覓酒具牀頭但有顏
生瓢龔五知子嗜奇最竹根十節精鏤雕或作折枝垂果實
或作細草抽苗條或于古藤竄鼯鼯或于叢棘棲鷓鴣秋蟲
一一列瑣細恍若趯趯還嚶嚶水邊老屋足幽趣松牀菌枕
同香寮此杯雅與野人稱吾師篔簹友分頭邀銀杯羽化何須
惜長把荒齋破窳寥

落帆亭

又攜書卷走風塵錄別誰行酒一巡惟有落帆亭畔柳尚將
青眼送愁人

和遠士無題六首

每嗟相見太匆匆一片紅牋恨未通幾向小梯行細步爲憐
宋玉在牆東

細細輕裙薄薄衣斷人腸處總依稀溫幃頭結交如夢化作
雙雙蝴蝶飛

燕釵新綴小於菟五色絲纏八角符午日龍舟看勝會者番
拋却繡工夫

幾日無心奉阿婆密書草草背人題書成最恨無青鳥獨上
南樓帶粉啼

匆匆過盡可憐春收淚還將粉臉勻鏡裏但留顏色在他時
好作比肩人

小股平分九子釵雙飛願作並頭鞵如何抵死催人去悵斷
長安十二街

題聲山仗劍圖

查生讀書如破竹查生飲酒如淋灰撐腸何止五千卷空腹
一倒二百杯好色亦如書與酒空中延想珊瑚釵圓珠三斛
安可得只憑画史爲良媒羅帶細細衫葉葉玲瓏小髻梳慵
來澆琴一張錦爲襪澀劍一把銅生苔有時嫣然出秀句紅
絲片石生光煤酒邊記曲喚娘子歌容宛轉聲徐徊人生如
此足快意安用九陌衝黃埃

京口阻風

江燕風中飛江豚浪中舞瓜洲對蒜山有檝不敢鼓久知踏
浪危不若歸踏土飢復來驅人歎息貧士苦

露筋祠

水面紛飛豹脚蚊荒祠寂寂倚湖垠高舸滿載西江女猶復

含羞說露筋

寶應

八寶湖中水聲同
萬馬奔浪高
城岌岌堤滑
雨昏昏人以魚
爲飯家惟荻作門
十年昏墊苦有口向誰論

題東川先生讀書秋樹根圖

秋山骨峻增秋水
流浹渌西風烏柏樹
冉冉舞紅蝶
境冷人不爭日與空
翠接先生乞假歸東湖
清泉白石無處無由拳
自昔讀書地一峰
老人曾作圖

題明妃出塞圖

馬上琵琶聲最悲
漢宮無復有蛾眉
丹青不是汚顏色
爲乏金錢買畫師

送客子歸平湖

悵斷家山未得歸
深秋作客計全非
霜楓落後烏菱老
杭稻熟時黃雀肥
小橋三井傾別酒
新縣一稱補征衣
輕鞭短鐙輸君
泯冷夢空尋舊釣磯

和題硯溪紅豆書齋五首

幾束荒茅縛作亭
籬宛轉勝雲屏
更添小閣疎花外
恰對何山九朶青

早稻收時堆滿門
齊民要術篋中存
閒田幾稜舍南北
不讓西風碌碡邨

吾家及史兩山東
小小莊窠與此同
細雨衝泥跨秧馬
肥波射鴨把桃弓

硯溪小隱吾曾到
紅豆書齋亦再過
城市山林俱秀絕
不歸君意欲如何

經義紛綸井大春每聞妙解脫陳塵一塵舊有封門宅擬作
亭前問字人

珍珠泉

中丞官舍第三泉水面跳珠顆顆圓小舫不妨牽岬上羣山
無限落亭前舊游欲說還同夢勝地重過合是緣十七年來
成底事鬢絲如許實堪憐

張上舍盛誇亳州牡丹遠過洛下因賦十絕以紀且

訂探花之約焉

洛下家家種牡丹歐陽小譜舊曾看年來寂寞花王國譙邑
春風綻滿闌

好種曾誇九十餘花名記得小屏書若於雙桂堂邊見雙桂
樓中也不如

上舍所居曰雙桂堂錢思公於雙桂樓小屏上載牡丹佳者凡九十餘種

花外春春列小筵每因客到興尤顛待尋穀雨前頭約日下
又頭百個錢

天生花葉出尋常一朵傾城插晚妝好似玉環微醉後沉香

亭下舞霓裳

本其晚妝亮花之上品也

小小燕支染玉盤徐熙崔白画應難虛黃夜點宮人臂莫作

楊家一捻看

花色如玉有丹砂一點者於瓣上每花一點每點不同土人謂之燕支點玉

輕紅淺綠破天慳無限名花盡貶顏淳化街頭新樣好春游

不上大房山

綠牡丹惟大房山有之亳州新產綠水紅蓮其色尤奇

姚左紛紛未足論支紅孟白變陳根不妨數十千錢買池館

栽看到子孫

支紅孟白皆花品之佳者

斬新瑤朶出僧區月下看來色似無試比白家花更好不須

爭賞玉盤盃

健上人種花色如雲母土人謂之健白

新來學得漿花法欲把千株種廣陵他日紅橋傳勝事不教

芍藥數龍興前牡丹嫩條和熟土封裏謂之漿花上金欲以是法移于本於廣陵

梅花溪上徑三三歸夢濃于酒半酣見說接花開亦好與君分種種江南

晚步泉上

難得人生十日閒行吟頓覺旅愁刪珠跳的的泉中水螺擁層層郭外山魚檻坐看長線裊石橋望斷小門關狂思弄水偷船去北渚亭邊一往還

次止淵病起二首

又作齊東客來看歷下山論交得同調終日話鄉關藥物非容易詩篇賴往還朝來成健起嗟卷待君刪文章乖俗尚丘壑寄吾情窮鳥初成賦閒鷗舊結盟新愁來

似瘡歸夢重於醒幸有鄉門老新詩照眼明

夜夢

夜夢不知遠忽然侍庭闈父兮課我書母兮攬我衣怪我書去手憐我衣減圍愁多學易荒客久身不肥語我懸望切何為音信稀哽咽欲置對急雪敲牕扉覺來淚飄枕殘燈寒無輝

咏史二首

瓠子秋風信手裁須知漢武是雄才侍臣縱有枚臯在一字如何代得來

見說三神路渺茫歲星偏愛近君王若非龔識神仙字那得長為漢侍郎

笛漁小彙卷第二

笛漁小彙卷第二

元日立春和逋客

秀水 朱昆田 西峻

元日逢春首重回東風真解帶愁來浮身似梗歸難得鄉夢
如雲撥不開歷下忽爲三月客江南已放五分梅椒新菜細
官廚出且復含情進一杯

又和止淵八首

年年爲客淚沾衣擬結茆菴訟昨非我與世間何所戀春當
好處肯忘歸半湖插竹分菱蕩長線懸弱坐釣磯糲飯濁醪
原易足底須步步踏危機

客況淒涼若箇知翻雲覆雨實堪悲休嗟世上憐才少自怪
年來見事遲漁釣夢尋鄉路遠江湖興引早春時官齋無計

消長日算盡分先兩路基

老親此日定淒然兒女何人在眼前終歲但聞長太息開春
不算小行年曾跨禁內三花馬未有囊中一個錢歸去含飴
弄孫子玉堂茅舍總隨緣

二分頭髮已先秋乞食頻年歎遠游窮是舊交何忍送春如
過客不能留三椽擬作歸休計一劍渾忘細碎讎浮世功名
安足數幾時真得臥林丘

逢春已覺客愁添爭奈空中又撒鹽八口飢寒無可訴一生
貧病每相兼只憂屋裏琴書蠹更想山中筍蕨甜南客東來
方幾日早于夢裏覓郵籤

去年江南作好春芹芽蘆葍登柈新挽鬚未嗔兒女問把酒
聊潤窮愁身家中自後貧作別困內豈有陳相因病妻驕子

久無耗淒斷客懷惟此辰

安得身同脫網魚載書一輛雇牛車全家穩下江南路三畝
將營水北廬春日春花香細細秋原秋黍熟與與算來只有
為農樂不向天涯歎索居

北望京華南望鄉今朝顛倒著衣裳夢魂來往各千里骨肉
飄流非一方架上任從書卷亂筵前不放酒杯狂客中元日
真無賴矮紙裁詩細作行

送王秀才之明州三首

魯酒由來不醉人銜杯且復話逡巡自憐客況真蕭索愁裏
看看又一春

花滿江南鶯亂啼燕來新筍迸吳泥每因送客鄉心動也擬
歸尋舊藥溪

東南山水數明州二十年来夢裏遊君到西亭休悵望江瑤
入饌最風流

送廣文韓生之官符離四首

詩成即席韓公子客到無甌鄭廣文休道壘鹽半帚屐經師
如子亦超羣

符離學舍小於舟醉後休嫌屋打頭猶勝長安宦游子一生
辛苦事王侯

年少無妨作冷官他時九万看風搏好攜才子珊瑚筆暫對
先生苜蓿盤

故園此日正芳菲油菜花黃豆莢肥儂是天涯斷腸客好春
時節送人歸

官園種菜呈丹徒公

官園蕪不治百草各自長公來一散步惜此數畝荒乃招雙
畦下令樓亭之旁一月酬千錢直與功相當手把鴉嘴鋤瘦
地看翻將中如易文畫外若棊枰方桔槔取次成打水池中
央老圃知菜性下種先分行旦夕勤芟除不為異類傷土鬆
水又甘雜然出青黃種之不數日小把分筠筐登盤頗香滑
把箸恣意嘗頓令東南客不想筍蕨鄉菜根有妙理此味期
勿忘

首春同逋客止淵陪丹徒公晚坐珍珠泉上二首

閒隨杖屨過樓亭雨後看山分外青隙地栽花煩畫手

謂逋客也

荒畦鉏菜課園丁撇嘗欲試羅家酒煎點教依楚客經莎坐
苔行談轉劇一雙蝙蝠撲牕櫺

紅香片片逐晴絲綠樹陰陰四月天燕子低斜風力峭魚兒

撥刺水痕圓已令巧匠裝輕舫況有吳童輓蜀絃門外七橋
煙景闊不妨乘興一洄沿

食鯉魚

水南老楊飛白花水北弱柳垂鬢髮風吹水面作萍子下有
水族紛如麻螺鰕瑣細不足數棄之無異池邊沙盤針擘粒
下長線小魚出水何紛拏老魚狡猾不受釣搖深舞闊誰能
遮臨淵羨之亦已久每思手挺風中叉朝來第一指忽動起
聽池上聲喧譁老魚擺子恣跳躍豈知失水眠枯槎蠻童拾
之貫以柳尚看巨口開呀呀錦麟由來三十六當場一道曾
無差獲子受魚揮雪刃蜀薑吳豉還教加銀丁小簇釘柳菌
玉箸寸斷添蒲芽更令開餅瀉羅酒七雙竹挾梓中叔赤鯉
於魚本凡品詩人入詠同鱗魴吳儂半載住北地遂覺此味

真堪誇堂上主負正歡噉水中鱸鮓應咨嗟

喜小舫初成和丹徒公二首

官齋爲有漁竿客小舫裝成似越舫柳下泊時青作纜水邊
行處綠開萍扣舷共限詩三刻放槳還傾酒一餅湖上自來
風月好夢魂先到水西亭
小舟只在畫中間洗盡風塵十載顏高著蓬兒綠放釣不安
惚子爲看山一條泉細流花圃百頃湖圓近水關何日煙波
歸倦客曾船來往逐魚蠻

嘉禾篇

翠輿去歲東方過放丁減賦流恩波中丞十二分山河神羊
一角冠峩峩大賢爲政平不頗飲水拔薤除煩苛憂民之外
心無他初時飢者肩相摩拜疏請發常平糶爲粥食飢飢者

差管阿如以良藥投沉疴流離還集居則那租牛合耦耕陂陀
種稔高下種不訛東土寸寸無荒嗟天為我公陰陽和凶年
樂歲在轉職今茲美麥復美禾一莖五穗抽駢羅子粒堅好
光璀璨黃塵六月驅疲驟齊東去來同投梭下驟入田親為
攤到手不敢微拖抄農言到處垂蓑蓑入眼乃識言非詫沈
謂欺幾日風打雨復搓幸有神物為搗訶亂水赴壑流逶迤嘉
禾得雨益發科屈指秋熟只一俄大車滿載膏盛輻內盈箱
困外籬櫛如山處處堆莊窠主家客家爭甬嗟杭炊香飯糯
壓醮餘粒出磨為餽饈秋原作社舞僂僂黃童白叟聲囉囉
催租不聞縣吏譁胡戈切此地遂為安樂窩太平上瑞真堪哦九
莖靈芝雙頭荷豈若此禾生滿坡天公雨粟曾幾何異畝同
穎焉足多翻書古少五穗歌歌以紀實非云阿翠岱之石高

嗟我歌一勒永不磨

對菊

亭菊初移檻官齋共舉杯但聞香散處亦有蝶飛來較戶多
多飲分盆細細開公無留案牘客喜占池臺珍珠泉在官舍面上有亭對千佛山子館于此
異種先春乞低叢入夏栽癸辛雜識載菊花于梅雨時取嫩枝插土作低叢覆以小棚無不活者今年頗用是法煮
灰除蚰蠖蟲之食菊者齋曾問呼為蚰蠖養葉接每苔善養菊者必留葉護根謂之脚葉連日籬頭
望西風歷下回客窓真爛漫佳色出汗萊忽計繁星並俄驚
亂雪堆小燈停鳳脰弱柳貫魚顯拚向花前醉同傾臘後醅
帽邊須滿插坐末幸長陪為愛霜蕤淡渾忘夜漏催夢迴三
徑遠歸去幾時纔吟比離騷屈書翻月令雀靈方搜內策落
蕊救衰材擬作延年計長拋引睡媒采宜防蕙以譜為辨根
莖抱朴子曰菊花與蕙相似以甘苦別之菊甘而蕙苦本草經曰紫莖氣香而甘為菊青莖而大作蒿艾氣味苦不堪食為蕙晚節看誠好

流中効風推

流中見鍾會賦

自非朱孺子空慕列仙才

名山記朱孺子服菊草得仙

次夕復攜酒對菊疊前韻

菊序連宵飲停杯復把杯為憐花正好且秉燭重來伯雅無

勞勸秋英耐久開雙文抽艾葉五出鏤銀臺

艾葉銀臺皆菊名雙文五出皆種之最佳

者北地欣初見東籬憶徧栽瓊甍分素雪黃蕊映青苔心逐

孤鴻去家惟冷夢回幾年馳道路三徑沒蒿萊短鍾長思荷

長併舊作堆飢因求鷺股味只戀鱸顯所幸依蓮幕長教泛

玉醅流光成晚晚高會恣游陪獵獵霜風急丁丁漏水催編

茗啜我疾織錦怪君纒

盧思道與庾知禮作詩知禮已成而思道未就知禮笑謂思道曰自許編茗疾嫌他織錦遲止淵是夕

詩後成故云

莫笑酸寒孟休誇敏捷崔舉觴尋酒格又手覓詩材壽

客圖須畫

張祠部有十客圖菊為壽客

新愁雨是媒益看移小檻籤特記陳荻

甘杞名雖並鍾潘賦共推

鍾會潘岳各有菊賦

范村諸種外

范石湖菊譜序淳熙丙午范村所植

得三十餘種悉為記之明年將益訪求他品為後譜云

欲續媿非才

食鮮鰓魚

東海物惟錯殼屬尤繁衍鰓雖名為魚實則殼之選裨販走

四方纍纍長繩縲南烹薦柯肉鮮者難致遠傳聞隆冬時蓬

萊水清淺海戶醉入海利刃產崖癩刺之一不中帖石難再

揃非若蝓螺輩沙面手可撚竭從馬上來腥風吹一翦似蛤

訝乍分比蚌笑更扁中含島中沙上帶石上蘚雜雜排空星

有若巧匠碾連筐付官廚清泉為漱洗沸湯脫其肉輕刀去

其殼風味勝車螯何況蛤與蜆吳儂初得嘗不復計沉酒昔

人有嗜好往往見前典惜哉烟海珍曾為兩雄輦我欲易其

名夙恥快一洒竟呼石決明收羅入詩卷

喜雪呈丹徒公

黑雲堆青山風吹雲不動寒氣烈于冬土牛未能送滕六失
職久天意寧肯縱改命付蒼官夜半騎白鳳紛然盛羽衛有
万玉妃從春花恰五出翦刻觀妙用翕翕厚載危習習陰機
弄灑勻瓦平溝壓重屋敲棟遙天詫鎔銀大地訝流汞起看
岡巒沒頓覺宇宙空遺蝗盡入土宿麥久分種以此占有秋
庶可逭飢凍吾公急命駕青絲早春鞚開河排衆議為粥損
清俸朝來豁愁顏踏雪深沒韃豐年入吾手命客飲須痛地
爐紅玉然酒賤烏銀重絳蠟燒珠燈花瓷出冰鯨高談起爭
端得醉即喧闐直因忘形骸不復計嘲諷公為一笑解人物
賴甄綜流光弦吐箭游子衣拆縫立雪留師門還山斷鄉夢
今春飄瑞葉太臘懸霧凇齊地早寒夜氣如霧凝于木上如雪封條謂之霧凇蓋豐年之兆也作詩續齊
諺一助歌飯壘齊人之諺曰雪相和燕霧凇飯漢買飯壘

止淵逋客既和拙詩越日風雪復作止淵又賦二百
字索和蓋欲以強韻相壓也炙硯呵凍復成是作

小國偶致師強鄰遂樓伐我衰已中休衆怒亦稍歇雪意朝
來酣戰氣復淙淙茅簷雀啾啾紙牕風颭颭細若毛擇鵝紛
如尾斷鷹天意憫三農盡補去歲闕寒啗拳足雞狂吠短喙
徹苦心索荒怪險語恣斲掘爐深添爍炭徑滑鋪木屑午餘
灑更急勢若万弩發飲思覆餅罌冷恹對林樾遙看龍沙度
只恐麥隴沒山中老屋倒澗底長松折書生望豐年不復惜
凍骨買甕聆齊謠陽春和楚闕廣廈庇寒士眼前想突兀和
冰研糜丸入硯禿棗核吳音共唱和連日快更迭吟成矯首
望忽露半破月天意變須臾相頌但驚咄

食鱒魚和止淵韻

葡萄綠漲園山曲鱗魚脫網新蒲束罟師雪浪煮霜鱗夜傍
山根然老竹余昔北游出京口鴨背吳船江上宿銅錢一把
買一尾入饌俄驚挂帆促自從作客舜子郡日聽清泉漱鳴
玉泉中有魚可釣罩魴鯉紛紛總麤俗豈如俊味來江鄉小
糝吳糟紅蔌蔌登梓正值細菜新鳴甕況當春酒熟烹時方
法按食經醉後糾彈罷觥錄回思前事倏二載客邊不覺雙
丸速年來妄念汰已盡此生一飽万事足夜闌改席張明燈
哀絲豪竹聲相逐但令磊落倒長瓶何必雲霄誇一覺中丞
愛客興未已盡出青州從事六雪麪更蒸乳鹿尾冰瓷復削
花豬肉香山妙語不可刊所恨飽來無兩腹

泉上書懷和丹徒公韻

濟水別爲漣百道清泉流我來舜子郡日向泉邊游或如立

素雪或如鳴清瑤或如下急雨或如翻名謳或如越練拓或
如楚穀浮或怒而砰訖或潛而深幽或蛇乍赴壑或龍初辭
湫或紛紛絮起或裊裊絲柔水態變万狀對之明雙眸幾日
東風吹積凍消來不披草試一坐爽籟聞颼颼下有珠万斛
中有魚千頭飛飛下白鷺沉沉浮霜鷗導龍恣擊攫照影枝
相膠其北花樹密其南煙巒稠軒軒丹徒公手挾風雅翰每
攜椰子瓶來放鱸魚舟支鎗燒落葉汲水煎風漚良辰多樂
方美醞無停酬有時窮遠目接足登高樓以茲磊落人況遇
山水州小子奉几杖二載官齋留南湖敗釣艇長水荒耕洲
三椽老屋下泱泱流深溝此地與故國風景還相猶兼之戀
函丈百籍容旁搜頭顱已如許名位焉可求壯夫有不爲作
文類俳優古音奏今耳自笑非良謀不如拋睡媒烟波任浮

休青箬帶雨笠香筇懸魚釣沙鳧盟可結蓮社名須投人生
有如寄何事自買憂形容半枯槁誦讀長吟嘯鈍比鮎上竹
快羨鷹脫鞵紅塵一投足難得歸林丘思之良足歎且醉缸
面籥公才如大楚邾莒安能儔筆陣歷羅趙鼎吟嘲劉侯春
光等逝水瞥眼驚颺悠

笛漁小橐卷第三

笛漁小橐卷第四

秀水 朱昆田 西峻

杏花用昌黎韻

游絲百尺飛晴空杏花向日舒小紅生香活色自絕代嫣然
一笑當春風歷下亭邊花信早氣候頗與江南同玉船百柁
恣意倒醉鄉好去尋無功絳蓀仙子苦幽獨忽然邀我紅雲
中須臾化作兩蝴蝶隨蜂逐燕停芳叢夢回酒醒良快意不
羨聽漏趨丹楓名園芳菲正未歇官齋唱和還無窮穿池種
蕩不數日早有魚戲蓮西東興來每跨果下馬葛疆到處尋
山翁

疊前韻

羅浮山下曉夢空武陵溪頭樹未紅杏花獨占二月尾妖姿

一一迎春風不施朱粉色自絕名花原與傾城同我聞三郎
打羯鼓樹頭迸發誇神功又聞仙人好種之神洲遠在南海
中何時移根植小圃牆角爛漫開春叢有如斷霞遮晚日又
若野火燒霜楓十分琥珀鬪酒殘我公好客情無窮長安幾
輩馬蹏疾而我二載留齊東對花但願醉兀兀少壯未幾成
衰翁

丹徒公于漣源堂後穿池種荷賦詩四章敬次原韻
數弓營隙地百指鑿清泉春漲鴨頭水光搖魚尾天鏡中千
嶂入花外一亭圓擬傍官園住來耕舜子田
放鴨沙叢裏招鷗水葉間移花連熟土翦樹出晴山似燕年
年客如僧處處閒紅塵飛不到白版書常關
愛酒公山簡隨行我葛彊池頭看種蕩水面想吹香試以松

為約何須石作梁官齋無一事終日醉淋浪
草書蟠詰曲妙語吐滂葩復見長牋劈爭看小字斜閒時惟
領客連月早休衙他日來銷夏千頭出水華

春日珍珠泉雜興五首

插柳尋花匠穿池喚蕩夫枯松橫略約新葉長菰蒲到處泉
噴瀉無名鳥自呼誰知官舍裏宛似水村圖
雨洗春山活池添野水肥孤亭收列岫小舫泊平磯卷幔移
時坐垂竿向夕歸此間多樂事不歎故園違

拂水長條舞穿林小徑斜幾番風擘絮連日雨催花樹樹開
紅杏絲絲映白沙更教移菊地宛轉結籬笆
水北方疏沼花南擬結亭數科評蕩樣一卷借魚經爲想風
敲柱生憎絮作萍新來有吟課得句即書屏

簇簇蘆抽筍茸藥綻苞鵝兒浮水面鳳子撲花梢北酒開
春瓮南烹薦客庖相期十日後同醉海棠巢

海棠半開小雨初過醺飲花下醉賦二十韻

西園經旬罷局鑰海棠已吐燕支萼綠房亂點沙斑斑檀口
乍施朱薄薄玉環中酒自嫵媚飛燕臨風原綽約紅珠斗帳
睡未足午夢方回旋掠削絳紗衫子輕若霧半掩玉肌通體
弱花雖無言殊有意似伴詩人春寂寞画又各下青銅錢樹
底結巢來醕釀豈知天公敗人興每遇花開風雨作漠漠初
昏楊柳枝霏霏漸灑秋千索趁香花下蝶翅重濕背梁間燕
泥落飛牋乞放十日晴天公憐我一笑諾麴塵壓住卷風幔
雲葉掃空露晴罅垂垂絲軟色欲滴翦翦風輕態逾嫵丹青
豈能傳画手愛惜且教張錦幕半開長是近寒食上頓還須

傾大杓湖魚一尾新柳貫乳酒幾餅青篾絡茶苓蜜荔快初
嘗燕菌雞蔓還小嚼興酣日落客未散促席分曹相獻酢對
花不飲豈得計無異黃金鑄大錯須臾圓月生天東更洗花
瓷夜深酌

九日對菊和丹徒公

去年花前作重九沉吟直至雞三號今年花前作重九但思
痛飲瓊千艘詩當大敵久袖手酒遇強戶恒分曹朝來滿城
風雨橫佛山無計同登高霜蕤百本移小檻朱朱白白圍周
遭滿頭插如浣花杜盈把摘比紫桑陶官齋對此足快意况
逢四野豐田毛先時天公久不雨蝗蟲生蝻蝻生蚰銅錢五
百買一石連車擻擔填空壕頓令東土絕遺孽如雲秋稼輸
官敷今茲二麥盡入土憂心軋軋停抽繅掀篲一笑命治具

沉沉夜酌涼葡萄披縣黃雀越糟浥團臍紫蠟宣薑芼絳羅
縫囊佩萸糝彩貓將子蹲花糕興酣盤空出硬語飽霜一試
秋兔毫句奇字險未易和蛟螭蛙蚓形難逃文章政事公兩
擅餘子焉敢連雕尻一鼓新儒作長句孟酸豈足當韓豪

和止淵瓶菊

秋花開偏漣源堂一束無妨手自將重節豈須排日飲六時
惟覺和詩忙煩君後圃栽花鐻伴我空齋夢蝶牀試向銅餅
添活水折枝也解十分黃

樓桑謁劉先主廟二十韻

系出中山舊名從下密通艱難權席履濬哲自兒童身手由
來好聲聞豈不聰樓桑枝挺拔羽葆舍南東果應中興兆徐
看大業崇平原迴客刺新野脫途窮結紹非長策依劉亦小

忠幸逃縲葛矢翻射越人巧謀主來麾下真王拜漢中緯書
符曜度炎運復昭融吳魏三分並關張一氣同惟因收國士
足以歷羣雄顧命雖傳蜀遺孤詎放桐關山徒設險曆數乃
先終墓閉黃腸遠魂歸玉座空虛檐藏凍雀壞壁響陰蟲只
有樹黃落曾無花白紅邨巫懸社鼓鬼馬戀神叢正統存良
史編年允至公古祠丹粉在想見永安宮

為樗菴題水村圖二首

垂虹亭長好画手戲作水村第二圖何日閒田買千稜濃花
淡柳占分湖

菰邨菱蕩蕩花灘鵝柵雞栖鬪鴨闌料得茹堂無熟客許儂
雙槩劃湖干

和宋牧仲先生西陂雜咏六首

淶波村

沙背小橋獨木柳梢虛閣三間溪翁弄船歸去日日斜掩

釣家

釣筒釣車釣艇魚竿魚網魚叉夕陽幾樹紅葉中有魚師釣

和松菴

主人有琴百衲松下一彈再彈彈罷松間月上長廊五月生

緯蕭艸堂

橋東橋西蟹火舍南舍北漁磯豆葉黃聽蟲語蓑衣綠見人

芟梁

鴈齒橋迴幾曲鯉頭筍長一園到得秋來更好烏淩白芟堆

放鴨亭

青竹竿搖白水繡鴨翎分翠萍添箇楸頭艇子便如第四橋

我所思三章送虹亭先生歸吳江

我所思兮鱸魚鄉烏柏赤兮鴨脚黃三高祠兮洲曲斲青杉
為柱兮縛香茆以為屋君歸兮雪灘見白鷺兮飛翻飛翻兮
忽下兩忘機兮成保社

我所思兮垂虹亭二月三月兮花冥冥鴨頭兮水綠螺髻兮
山青君歸兮放櫂蓴菜黏篙兮斑魚墜釣尋君子水涯把細

槳子擗通波夜涼芋月上美並宿芋雲沙

我所思子鸞脰湖漾寸寸子白魚白魚子紅目在水子一角
翎輕紗子夾細竹沂清流子獨麗君歸子湖濬調瓦釜子留
賓勝鹿尾子猩脣平波臺子騁望欲濯纓子無塵

田綸霞先生許惠羅酒久之不至以詩索之

凍酒常苦烈雪酒常苦甜房酒清香薄東酒濁者黏何況梨
花春味惡脣難沾燕市多酒家家颺青帘釀法爭相誇小
印泥頭鈴飲者雖有曹我心終不忤先生家德水屋接羅氏
檐依方寅合麴漬米夜覆苦紅槽一以注臘甕排長櫬往年
過漪亭留醉十日淹酌以定州瓷有若冰在險神人下姑射
朱粉皆嫫媧昨冬來薊丘雨雪浣鞞檐相見話契闊憐我塵
容黔張筵所居堂盡下堂中簾檠跋燭一寸爐簇火一枚羔

以杏酪灌羹以梅漿酤我非高陽徒若芋意易厭先生頷之
笑却詫酒戶添連瓶肯見遺許我固不廉別來倏經月出戶
頻窺覘未為臥瓦卓翻作止酒潛春風逼上巳河柳垂纖纖
斜街盛花事雜卉羅勾尖思攜雙魚榼泥飲朋游兼投詩一
相索伸紙毋譏嫌

無功招集一峰草堂學香山體

杜陵未老歸茆屋覓句攤書驥子存三徑割來花隔舍一峰
留得翠當門試將新水添春沼不異金釵澗畔村

次樗菴韻壽菊隱徵君

先生昔應詔兀兀乘柴車自投直言社惟願深山居來若入
籠鳥去若縱壑魚經旬面不洗累月頭不梳四百廿甲子日
日惟著書寬衫袖秃筆濃墨澆長裾羣書悉抄撮百事咸芟

除下至啓禎末上至義皇初長安何所戀三載辭林間所戀
書船來往借盈篋輿如賈罔市利如農勤蓄畝只愁歲月邁
豈問升斗儲遂令白鶴江寄冥瓜牛廬先生今七十貌似生
艾藻醜錢買春酒酒伴猶未疎一聞妙義陳使我心顏舒立
言去枝葉衆說徒紛拏人方比匡鼎自謂同莊樗經生多長
年此語誠不虛作詩頌先生鞅固張蒼如

題禹尚基並頭茉莉扇二首

細細香風入綺櫳柰花並綴玉玲瓏夜涼未伴釵頭燕先絡
紅珠斗帳中

寫生自昔數崔徐茉莉雙頭譜未書解作花枝帶風露禹鴻
臚画有誰如

客子入都出扇索書率賦二絕

我方觸熱欲南去君又衝塵向北來行遍天涯知己少不如
茆屋掩蒼苔

餘子紛紛未足論對君每欲把降幡九條陌上三年別袖裏
書成又万言

張大司寇生日

張夫子家京口灣千秋之橋萬歲山下有江水流潺潺天生
人傑自有地宜在蒜嶺金焦間高門峩峩列五戟年始十六
登賢關紅綾餅宴曲江後二十載侍蛾眉班憶昔柔兆敦牂
秋使車遠自吳會還盡收桃李遺榛菅五色不眩黃朱斑千
門曉入鳴獸鑼詞頭草罷貂裘頌有時散直宮月彎史家直
筆得南董作者意匠歸翰般容臺典禮手自刪金鑑之錄垂
人寰年來里居三改火主恩未許林泉閒官同宣尼掌司寇

刑鑄子產潛神姦式敬庶獄心痛瘵十囊視等土苴錢一飯
不忘民生艱燕京六月荷花殷南城綠樹高回環柳孤懸處
將進酒把杯一笑舒丹顏黑頭入相本常事今我夫子髮未
髮

送呂伸之山右二首

呂郎秋卷最清雄還往無人遇未通

唐時士子互相標榜謂之選佳見王定保摭言

雪後太

行山色好蹇驢馱入畫圖中

楓涇水接朱涇水小舫輕帆恣意行鱸白蜺黃蓴菜紫者菴
輸我促歸程

送吳上舍歸鹽官

出門無路孟東野送客還山高達夫自入清秋同寂寞遙憐
旅況轉羈孤霜黃橘柚千重樹月白鸕鷀一片湖到及寅前

封臘甕花時客我醉春壺

雨稼止酒經年冬夜過予以詩勸之

儀狄一婦人造酒功則大伯禹獨惡之是亦聖人過周公執
羣飲沉湎罪斯坐衛武賦賓筵但立監史佐厥後漸踰閑意
態恣沓拖簡著羅而倒卓抱甕而卧載劉畚鍤埋吐丙車茵
浣於時口號呶於時足尅旻所以柴桑翁止酒詩乃作當其
東籬秋黃金花箇箇南山色娟秀翠壓髻婀娜白衣荷擔至
一笑械終破昔我遊五茸小舟泊江邏畢子江許住邀我洗
寒餓村沽清若空中有黃蘗劉大小戶不均一醉混強懦去
冬入國門河沿卸鈴馱我往子亦來相遇塵堀堞春秋換鷓
蟀愁悱擬騷些飲子子不飲急歸勤夜課今秋仍不遇有酒
止則那終年賃僧廬兀兀守茶磨酒星安可囚酒泉豈可唾

不如踞壚頭歌哭荆高和布囊之麈錢尚有裘可貨或貫尋
陽昌或沽訪劉墮一飯齊得卷三爵消坎坷且拚日醅醕莫
憚時詆挫歲宴吾將行櫪馬噉豆莖逝肯偕我還買田種黃
糲

雨稼飲二十杯而腹痛竟夕委頓復欲止酒再以詩
勸之

子飲可百觚茲盡二十鍾方思同旅話已似垂頭龍呼之瞳
不語耳熱面發終腰如小錘墜腦若亂杵春隱隱雷鳴腸汨
汨水盪胸敗眠百起倒氣轆神怪怪告我繼自今決計仍緘
封毀榼壺卮疊挨排過窮冬翻因一沉頓用博長惺忪子言
未脫口四座交相哄一誤已不堪再誤毋乃燾我今為子譬
勿謂言多囋人生若草木所貴勤培壅及時為灌漑枝葉青

玲瓏水泉一以澗安望花茸茸酒以滌藏府洵足媚子容有
酒則觀禮為德豈必凶耽米汁者佛作鯖鮓者宗日月在醉
鄉不見皇甫松嗟子抱渴久飲伴無留踪迹來沉憂積腹有
如肝蝕非酒破除之藥石不可攻中宵起如廁還坐不復疼
披絮圍甄爐相對多歡悰檐外風獵獵城頭鼓鼙鼙重開臘
甕泥細細傾醇釀羅列杯小大楷竹匏髯形俄焉寒更殺遠
寺撞初鐘辭我出門去見者訝所從昔顏枯槁木今顏生芙
蓉

德尹表叔借柴木過宿古藤書屋次韻奉荅二首

憔悴京華又隔年舊冬衣冷未裝縣人來巷北明燈裏夢遶
溪南老屋邊秋晚分扶問切收秔稻熟夜涼貪伴鷺鷥眠何時得
遂比鄰約同上斜塘放鴨船

湖上荒涼舊釣壇今番作客最無端文章未必輸餘子還往
何緣有熱官万里尋來詩卷重六街難得酒升寬欲同旅話
宵連榻渾我驢車趁曉寒

題客子茜莊圖二首

草色分帚視湖光濕鏡奩白榆飄莢旋去聲黑蝶趁花黏伐竹
篔簹港攤書卷荻簾楊梅園最近曾憶漉晶鹽

九派東湖水層軒一望收花南沽酒市竈北賣魚舟客饌秋
墳鳥鄰租夜碓牛下洄餘隙地須為故人謀

題夏重表叔抱膝圖

士生各有志何必慕管樂今人愛古人古人何所學當年南
陽翁時數值昏極一為梁父吟託意在蕭邈豈有王佐姿甘
與霸才較乃知史傳文往往可評駁先生我父行風骨洵秀

濯下馬賦清詩上馬橫大梨出門一十年足迹遍南朔荆方
祀烽燧蠻府贊帷幄及歸煮海村郊屋風雨剝吾鄉老画師
張遠品尤卓邀之寫成圖粉墨洗垢濁一老樹槎枒一卷石
礧确先生坐其間麈尾嬾不捉抱膝偶然耳此意人鮮覺奈
何詩人詞比擬盡乖角去年來燕市酒地手重握春藤陰並
坐秋棗晚同撲曰歸歸未遂枉訂歸期數鳥南雁北向歲歲
占候確知來不知往乃類長尾鸞首春誓偕還驢券已在搦
莊窠住匪遠門許交割啄租田插露苗釣水背煙殼魚鰕午
罩汕芋栗夜煨爆得酒互招尋得句互磋琢斯圖須更寫何
處訪虔岳

笛漁小橐卷第五

食嘉魚和澗芳

秀水 朱昆田 西峻

蠻村已熟桃花米官舍初嘗石乳魚湘峽往來經兩月始添
一則嶺南書

悼秦吉了

黃綏黑羽可憐生染墨塗梳画未成不與鷓鴣同宿食只和
鸚鵡鬪聰明酒邊按拍偏能趁蒼底呼人最有情惆悵客窓
歸夢斷蠻天惟剩鷓鴣聲

過墻梅花

不似吳根試蕊遲小春早已剪離思黃衣稚蝶尋難到翠羽
天禽去復窺蠟粉影遮雲過處蟬紗香透夢回時花開花落

憑誰問除却詩人總未知

寄南渚即和南渚送畊客韻二首

解秋細雨壓輕塵
丁卯橋邊甲子旬
歸去分湖垂釣好
畫中真羨著蓑人

小門開處接溪梁
九疊螺峰鴈浦長
他日扁舟尋瘦沈
共携筇箸入鱸鄉

寄崧塍次衡圃韻二首

瘦弟先歸烟水鄉
病夫又治倦游裝
雪天凍手頻提轡
負日何妨打稻場

聞說西泠抱布衾
船窓幾費短長吟
舊游曾擲詩瓢在
煩尔停橈仔細尋

寄魯謙菴太守

西堂密宴歲將更
量醖分曹鬪酒兵
重聽尊鄉輪背雨
還尋胥口渡頭旌
官情只為鱸魚美
詞筆真同雪碗清
入室願為詩弟子
可容奉席擬橋衡

九言戲為鷗塘壽

今秋作客燕市寂
無賴逢君初度酌
酒開心顏節移重九
二八月既望年過四
十一雙鬢未斑有時
狸膏關雞棋底去不
尔獵騎射席山中
還人生行歲進退貴
適意置身豈必鷺序
蛾眉班

題陳書屋納涼圖

杜甫南鄰也
姓朱柴門月夜每招呼
新來歸作詩人伴
消暑牆頭過酒壺

索禹尚基画月波吹笛圖三首

朱三十五住吾州也戀尊鱸買釣舟我亦還家作漁父夜涼吹笛月波樓

吳儂種水是生涯朝對荷花暮芙蓉蟹舍郎當漁屋小垂楊影裏占鷗沙

禹郎画笔近来無邊寫鴛鴦一片湖不見當年黃子久由拳曾作讀書圖

題查田蘆塘放鴨圖二首

漾水投波各一羣半湖淨綠皺圓紋誰知煙雨冥濛裏絕勝塵沙漲帽帚

朝把竹竿驅鴨去暮把竹竿闌鴨歸柳陰日午了無事剪得綠蓑編雨衣

題田樂種紙圖

小謝詩篇小令書綠陰一片閉門居兩餘葉大斜紋滑十樣蠻牋總不如

題周燕客別駕所藏画卷

是日登岱遇雨

一生寂寞朱家山雲在千峰下上間著我今朝圖畫裏拖筇頂笠上孱顏

紅花埭遇雨題壁

行到江南雨便多油衫席帽蹇驢馱小桃樹樹飄紅淚亂水村村卷白波野店客稀煙未起壞橋泥補滑難過不如歸放湖中釣低蓋烏蓬枕綠蓑

傷柳

沿河一帶綠于烟生近江南倍可憐見說堤徭猶未息監工新散柳夫錢

別田綸霞先生

公昔視學江南北，喝道不用車前騶。行携坐對盡文士，我亦
載筆從枚鄒。馮梅湯惠今作者，勝我奚啻三十籌。一時拱手
悲聽命，有似五霸摟諸侯。區區小國未量力，交綏一敗不可
收。猶憶庚申十一月，月十五夜經高郵。風饕雪虐冰乍合，沙
黃兩兩停輕舟。我曹孽戕各鬪句，公亦笑染南豪柔。昌黎硬
語走籍湜，彌明健句僵侯劉。自此絕口不復道，別後鷓鴣移
春秋。我方乞食走東郡，公忽領客登南樓。蒲萄水漲去帆疾，
芙蓉花發歸帆抽。六街九載始一遇，名場屢躑真堪羞。鮎魚
豈能上竹節，菱角安可磨鷄頭。相看憐我太顛顛，畫許清閒
夜許休。狂奴故態遂復作，作詩屢索缸面筋。長筍遣送堆老
屋，得醉便斷胸中愁。中丞由來任取重，最重淮海惟揚州。我

公清節 上所悉 帝心特簡非人謀 臨行邀我入盛幕 覓
舉未跨三花蚪 豈知宋五又坦率 瘦童羸馬無門投 公聞我
狀良太息 作書招我來 長洲周旋不以榮 悴異此道今世殊
悠悠官齋坐 卧席未暖 豈知改撫西南陬 正如飢人乍得食
奪之不令填 咽喉天公本意欲 扼我乃累公 作萬里遊黔陽
事簡号易治 不若此地庭 喧啾千山繞 城瘴雨洗五月遍地
蠻花稠 人生所貴適 意耳莫以道遠生 煩憂我亦還家謝塵
鞅 典衣及早租 吳牛

題林先生聽鶯圖

授罷羣經即把杯 聽鶯終日坐 莓苔不妨更倩傳 神筆画取
門生載酒來

自題月波吹笛圖二首

夜色糝糊水面寬涼烟漠漠月團團一枝漁笛一枝槽半入
蘆灘半蓼灘

人間隨地是風波湖上歸來樂事多載得漁兒與菱女楚歌
不唱唱吳歌

勸農詩為陸江陰作

春夏吳船困送迎插秧又苦十分晴平鋪水簟無心臥遍踏
桑田觸熱行此日一犁扶白雨他時千頃割紅粳不煩雞子
供亭長父老村村說尹清

春申墓

江雨江風暗愴神我來江上弔春申三千食客皆珠履國士
故應無一人

題女郎周禧荷包牡丹扇頭三首

風朝霧夕只緘愁紅淚涓涓滴未休可惜籬邊好顏色歐家
花譜不曾收

裊裊垂垂態最佳紛紛姚左豈能儕紅珠一索和烟剪曾上
玲瓏白玉釵

傾城原不在知名別有風流勝洛京小院尋春無路到妒他
蝴蝶趁新晴

登君山二首

日日波濤日日風海門只在縣樓東一山如畫興亡裏萬戟
空沈浩淼中擬結漁樵為伴侶不將成敗論英雄長江流恨
原無盡謾說長江至此窮

千古風流一浪消愁多酒少豈能澆望中隻埃連隻埃暗裡
江潮接海潮向夕漁舟還汎汎無風蘆葉亦蕭蕭烟波萬里

蓬萊遠縱有神仙不可招

題雙鬢索句圖三首

端州子石蜀州戲画裏詩人正少年一曲填成付娘子不將
陳譜入輕絃

一縷茶煙兩鬢絲烏闌紅袖憶當時年來憐我心情減無復
新詞與雪兒

西園玉山兩雅集王頤家姬入畫圖
峯下幾時成勝聚未妨
側帽著狂夫

題錢舜舉春郊醉社圖

坎坎鼓蹲蹲舞祈秋成祀田祖田祖醉徹酒脯速翁媪將穉
乳相挽樓來田頭草為茵荅為籌酌大瓢紛勸酬日未落飲
不休或皤腹或睥目或拍手或頓足或招或携或追逐或號

或嗽或趨起葫蘆頸長盛餘酒茨菇葉香裹餘肉但願一歲
中三十六雨七十二風蝗蟲入土一千尺水旱不作村村豐
麥兩岐禾九穗桑無附枝瓜並蒂秋蠲租夏放稅安眠不聞
吏打門家家盡作膨脝計牲如山酒如蔗更率麤錢作秋社
題萃橋水榭圖

水檻風櫺面面開好書讀罷試茶杯不須竹下柴門閉此地
從無熱客來

題坐花圖

溪上桃花一色開小船日日恣浴洄怪君一事真成錯不著
梭鞵桐帽來

北發

南北東西不暫停一身漂泊似浮萍鄉心自此真難遣別酒

無多最易醒蟲語草根驚客夢螢飛水面亂絲星孤舟夜宿
塘西路愁說長亭共短亭

丹徒

望裏雲帆曲曲遮紫紆一綫走修蛇晚潮入浦舟難上高岸
如山日易斜軋軋小車裝酒母紛紛鄉客買魚花丹徒不似
江南景到此令人便憶家

渡江

風打潮春鐵甕城禁江猶復剪江行片帆未可憑忠信三槩
真堪寄死生路險孰憐游子苦家貧漸覺此身輕自來歸計
誠難料莫怪東坡負昔盟

閩門

每到閩門便小留駕央多在百花洲綠窓呢呢聞私語翠被

厭厭恨早秋疊鼓催人辭好夢亂蟲為客訴離愁燕吳南北
三千里第一難忘是此樓

菹乳和楊芝田先生

淮南王食經八公九師撰惜哉其書亡饌法不可見偶然著
遺術噉菽物至賤叟叟井華淘齒齒石磨旋香同杏子粥細
比葛花麪若酪蹴乳房若筍撇缸面若蔗漿初榨若飴黍暴
煎淋漓香長杓滓汁濾生絹未明雞三號乍啓門一扇篝燈
挂屋壁漑釜燃蒿節須臾魚眼沸以箴攪百遍圓紋皺冰殼
斷稽揭霜練或以山礬收或以鹽滷澱苦辛澀酸鹹方法從
所便拉設吳地能泡漿杭俗擅我鄉近瘠貧鬻者滿村堰魚
標酒望間水車輻片片禾中村民鬻腐者以車輻標于林表移舟就客航壓擔入僧
院綠葵紫牙薑清齋每同薦有時配紅鰕食之已饒噉乾將

酒糟漬敗候梅賦變其味益以佳往隄走異縣都人慣食肉
羊豕日割割是物纔入市塵沙糝如霰以此仕官家存不錄
厨傳編修在金門索米類曼倩不因官獨冷止酒罷談讌菽
乳造法殊其訣本陽羨黃豆米西沽紫磴徙南淀浸以一斗
泉漉用五尺春流匙訝香滑舉坐盡誇銜脂麻與罌粟瑣細
費撇漩未若此易成指頤具鄉饌我本茹藿人糴葷非所戀
春去秋復來飛光等劈箭無心趁杯盞久欲焚筆硯有客誦
新詩令我聽忘劫壓倒孫滄螺濟濟衆才彥作者各擅場後
來豈能先過門思大嚼舍鐵但白戰

送柯翰周之蕪湖四首

軟紅十丈跨疲驢何似歸乘轂鯨車京國舊游疎索盡并無
人讀絕交書

孝廉行卷歷時流五上春司不見收絕似秦川貴公子異鄉
漂泊賦登樓

鏡裏清容祇自憐誰知圖画各爭妍龔寬樊育紛紛在只少

奩中五萬錢

龔寬樊育漢元帝時
畫工見西京雜記

幾日星隨使者輶到時寒水七磯消吉祥寺酒開缸面愛殺
濃香煮藥苗

金山口

四圍山色翠相連積潦成湖遠浸天千尺敗堤眠斷虹去聲一

九寒日落荒烟水夫拄杖爭馭客舟子拏篙橫索錢道路杠

梁盡王政由來迂闊獨前賢

過合肥欲訪龔恕愚為同行者所阻悵然賦此二首

宣武門西送子行飄然我亦返鄉城腸迴南楚風波惡書到

東吳涕淚傾難黍往時曾有約輪蹄不駐豈無情似離生怕
從頭說且逐征夫趁晚程

覆雨翻雲莫挂懷得歸且復掩溪柴吟身未必常如瓠酒量
依然闊似淮客到恐煩奴入市筵開免泥婢除釵悠悠不是
同行路悵望高城粉堞排

拙宜園補題三首為楊尚木賦

答運

竹筐挑築海沙麓石子圓勻巧匠鋪到地雨絲鞣滑達壓頭
花影杖枝梧結疎籬截常年客疊矮牋招小飲徒預筭吟邊
秋太澹課童添土插紅芙

巢經樓

白藤為笈竹為箴小閣三間取次成笙典珠墳閒攬拾黍灰

漢柏日縱橫欄高不放梅黠入芸細何愁蠹繭生媿我鈔書
漸零落匹如殘月配長庚

竹瀝

一匳清鏡拭花南冷翠千梢蘸嫩藍懸綫芎香魚受餌掠波
萍動燕辭龕粉苞初脫題詩滑石鼎閒支試水甘擬學松陵
製漁具割茅先結箇圓菴

贈王浦雲二首

手拈雙管興淋漓廿載江南老画師絕似當年張水部一為
枯草一生枝

淞江絹熟越牋生大幅長圖一掃成只合呼為王潑墨軸頭
幘尾換新名

題烟江撒網圖

江樹模糊雨欲飛，碧蘆根短浪花肥。
披圖未羨漁郎樂，我亦新從画裏歸。

題蘭亭被楔圖

芳草如烟滿地鋪，一觴一詠儘堪娛。
雖無醉本蘭亭在，猶喜流傳被楔圖。

初夏村居

枯港新添碧一灣，蜻蛉忙亂鷺鷥閒。
黃梅果下連絲雨，綠樹看成平遠山。
滕口涓涓秋水足，籬根策策草鞋還。
瓦盆注後渾無事，半扇柴門盡日關。

即事

貧偏客死富生還，歌哭紛紛一室間。
不爲期功廢絲竹，幾人能學謝東山。

南湖

南湖六月煙波闊，不見荷花水面開。
閒殺風標兩公子，幾回飛去復飛來。

示德鉉弟二首

萬里風埃兩鬢霜，十年京國困名場。
何如老弟拋書卷，捕蟹叉魚住故鄉。

家世無田莫怨貧，閉門竭力事雙親。
菰菱儘足供常膳，鵝鴨休教惱比鄰。

夏日村居戲作吳中田婦詩十首

河頭楊柳弄鵝黃，乳燕飛時日漸長。
揮擋遊春衫入筐，不辭辛苦作蠶娘。

短鬢低鬟黑似鴉，愛他捻不御鉛華。
自從四月收蠶後，頭上

惟簪繭子花

繅絲纜罷又分秧惟有農家取得忙
羨殺紅閨諸少婦早裁翠被待新涼

白紵衫輕紅袂斜吳娃生長自田家
最憐雙足渾如雪日日河邊去踏車

村酒煨來竹葉清枯魚一片瓦盆盛
三錢蒲扇堪障面日午田頭餉耦耕

先種荷花後種菱小舟如葉泊溪稜
蓮歌唱罷菱歌起遇著人呼便不應

烏桕陰濃一逕開四三女伴坐青苔
笑看黑線翻花樣知是城中學得來

茨菇葉大芋頭長小甑蒸時滿屋香
炊就麥糕先祭竈勝如

富室宰黃羊

終歲惟須兩對衣木棉花密芋麻稀
自來夫婿無離別不用安排織錦機

門前宛轉結笆籬竹簟繩牀任意移
來往無人拘束少豆花棚底納涼時

笛漁小棗卷第五

号	17328	案
SS	118	平
		望
		園
		書
		大
		繪

留洋小黨卷五

新

